

職官列傳目次

廬江王正茂纂著

受業太谷杜昌炎

全訂

陽城李誥

孫集丁守中張舜臣列傳

郭或李世蕃黃茂
高淮崗齊以治附

毛鳳來張安列傳

劉洋吳崇禮閔自寅列傳

孫恪趙岸王光臯列傳

史邦直王毓陽列傳

孫琰傳

臨晉縣志

職官目次 卷三

蔣願秀傳

呂東表傳

徐忻吳世裕列傳

胡南藩宋嵩獻附
明循吏倪冕以下十七人並附

石博傳

張瑄賈若瑚附

王德滋宋培仁列傳

程司戎傳

孫集丁守中張舜臣列傳郭或高惟崗

李世蕃黃茂齊以治附

脩廢舉墜令之責也怠者忽近名者擾臨自郭或建

置洪武時孫集繼之凡學校城垣廨署壇禪祠廟縮

版興礮無讒說者謂集臨事簡愛民誠以此哉宮墻

之廣也自慶陽始也丁守中記載之創也自章邱始

也張舜臣章邱人輯縣志甃堞之以磚也自武昌始也黃茂武

三人或德民謂守中或勸士謂舜臣或遇事果毅無所撓

謂黃茂建置其末耳嘉靖之震李世蕃作廟立門百廢

舉為嘉靖乙卯新學校廨署城垣邑志再脩於高名惟三修於

臨晉縣志

職官

卷三

一

齊名以高建置尤多學校城垣廨署凡茲尹土能形

民力並繫之為愛民者勸易曰悅以使民民忘其勞

愛也

毛鳳來張安列傳

毛鳳來之涖臨也在成化間齒猶未也民易之曰令
幼惡識國值歲不登札瘥者相藉鳳來愀然曰憊甚
矣積而不散何為乃盡發常平賑之不足則勸富者
出義穀貸民民有食色時寇盜充斥鳳來督捕卒分
部邏遮有獲則肆諸市盜息人以為國僑復生去之
日歌誰嗣焉嗣者張安也大祲雖去逋賦未蠲嗷嗷
者猶集澤安請命於上盡復其祖於是襁負至者盈
路今三百年前毛後張之稱猶在耳也

臨晉縣志

職官

卷三

二

論曰令所難者荒政所宜急者亦荒政余始至晉
陽遭上饑協理懷仁賑事拘成例未能遂志且無
權雖偷苟營畫民未小康今猶悸焉然其時尚有
以賑利者不旋踵而或墨敗或癘疾子孫流離旅
瑣楸柎不能歸嗚呼天之愛民甚矣豈其使吏肆
民上以從其貪

劉洋吳崇禮閔自寅列傳

劉洋弘治時令時晉軍驕不可億逞吏皆因循偷苟歲月忍之民益為軍所噬洋明法審令軍有犯必以律抵罪乃不敢恣民攸賴

吳崇禮萬歷時令有惠心政皆舉臨北坡荒頓崇禮斬蓬蒿藜藿艾地以招流亡庸次比耦擢監察御史去民留鞫今以吳名庄有餘思焉

閔自寅吳興軍族也以名家舉人崇禎十三年知縣事性伉直藐上官不懟不竦視爵秩泊如也時海內

臨晉縣志

職官

卷三

三

游饑朝廷多搜括流寇訐南北邑之黠者佻勇悖義不治將蒞自寅心憫焉而式遏之猛不殘義寬不宥姦民困雖不蘓卒無叛者陟常州府同知去

論曰仁吏尚才吏亦尚明吳崇禮易田疇寶稼穡集流亡惠而知政美已劉洋鋤暴刑強閔自寅定傾戡亂不可謂非幹濟才惜托百里小其用故史冊不昭焉設使當明之末有如二子者俾任經撫則洋之戢軍必不若嗣昌之議撫寅之弭變必不右延儒之冒功庶有豸乎然而熊廷弼之果袁崇

煥之達孫傳廷盧象昇之智且忠其才豈不偉歟
乃或誅戮盡或悼恍死人亡國瘁以底喪邦然則
雖有洋寅其人亦惟上之知而任之哉

孫恪趙岸王光臯列傳

孫恪嘉靖時令臞瘠若不勝衣視民如老嫗篤幼女時河濡之恐弗及擾而教民共旱甚步禱徧羣神有戒其瘳者弗應境霍他邑否其疾也民泣然也其卒也肅肅然也

趙岸萬歷時令有幹才鞠大獄移時丕蔽鄰邑皆質其成值旱虔禱而應瘁於官

王光臯康熙時令崇旱雨遂及民祠祀之有他政乎曰興學惠農恤驛

論曰山右少潦多旱無渠堰蓄洩利也予宦晉歷有年所至問其令勤禱者賢之怠否之夫桑林以聖格天難言也然古循吏反風滅火祈而應亦有可信者乎孫恪趙岸王光臯成民以致神非明驗歟康苛之吏醜然以崇禳要譽其愧而返哉

史邦直王毓陽列傳

史邦直隆慶時以進士為臨晉令有獨知之慮弗聞於成事苟可以利民者作法更制不以自疑然剛而不壹非信心以傲物者也喜微行能知民間田舍廬廡之數以故民不致抗弊以巧法吏不敢昏瞶以售奸邑軍民雜處軍有屯以其繇親藩也驕佚不用命捕者臨所屯輒稱官司凌藩王軍邦直曰食吾之土者非若耶食吾土而不奉吾法我安用食之且若有王胡不衛若王不衛若王而越千里以屯食於我而

臨晉縣志

職官

卷三

六

我法之翫則我曷不遣若去而使奉法於王將躬上其橫逆狀為請徙行有日矣屯人恐使其渠魁在庠生胡者丐邑諸生為之請邦直數之曰汝知有法耶嚮汝不知有法我不汝殛我維時其遷居汝既道極厥辜予曷其震動汝以遷自今至於後日我不汝動汝其用我命於是屯人跪而請曰唯唯聽命亦罔敢不敬用公命直乃正色曰呼衆來前茲予審訓命汝汝有籍有伍有戶吾按伍定汝籍按籍稽汝戶合為屯屯必有長屯聚必有長丁繇戶戶繇屯屯繇長

小長繇大長大長繇於縣以責其成每月朔大長赴縣獻狀問有無違犯取牒為質覈有奸抵罪逮小長大長罪有差如有暴虐生民狎慢官長不遵國家太令而假藩鎮以凌人者細無宥屯衆曰諾稽首受而戴之厥後無不凜凜奉縣官令罔敢逞邦直秩滿量移西安府丞民德之屯人亦無怨者謂直有威惠也王毓陽繼史為邑凡史所規畫毓陽以為善曰吾甯渠能乎不變法而治吏習而民安焉小不適損益其法而濟以寬故能有史之治而聲聞過之

臨晉縣志

職官

卷三

七

論曰嘗讀漢史而知蕭何定法曹參守法之安也漢高以馬上得之於國家經制皆未舉行厥後賑窮養老耕籍親桑諸政皆始自孝文吾不知蕭有何法之定而曹有何法之守也刀筆吏不可以治天下斯言信哉史邦直一令耳然而辨田廬按籍伍定經制屯民交賴其知政體者哉王毓陽守其舊而小變之宜矣然則邦直定法毓陽守法其濟美耶推斯術也以宰天下可也

孫琰傳

孫琰令臨晉五年勸農卹災有惓惓斯民意劉國琮繼琰為邑北坡以科征構釁抗而忤者相跡也遣尊官逮治衆懼選脊脊大亂將夷殄之琰雖解綬猶羈舍館往命曰不義而彊禍莫大焉爾衆從吾約以渠魁狗宥爾衆不從無遺子矣衆俯伏自拘於司敗八人引頸死脅從罔治臨人到今有生死肉骨之感焉論曰民之梗也其力必不若虎豹其毒必不若梟獍然使虎豹梟獍猝然而遇者千百為羣不過弓

臨晉縣志

職官

卷三

八

矢戈鋌衝躐其百之一二使餘者潰散而已必盡殺之雖猛於獵者弗為也况以翹翹業業之氓乃欲為合圍掩羣之舉罄所有以俘之其視吾民曾虎豹梟獍之不若乎且民之動於惡也當其始冥然悍然勢若不欲生者及已發而思之則顧父母戀妻子之心惻然而動矣故未有不悔者因其悔而導之勢易入矣琰雖夙昔能信其民亦導於其勢也然使不能導之視吾民如草雞禽獮而莫之閱痛則又何也

蔣頤秀傳

讒慝之於人甚矣哉孟子曰左右未可諸大夫未可
國人且猶察之古之進賢退不肖蓋其慎也蔣頤秀
者桂臨舉人其令臨時刑無頗類獄無放紛人德之
乃以賦性質直不能順事陳意動觸怒上屬有讒人
交鬪其間調簡邑去議者謂其守身拘謹才非肆應
而已夫向之所謂肆應者果安在哉在田里耶在樹
畜耶在恤鰥獨而興學校耶在通商賈而平盜獄耶
藉非在此則向之所謂肆應者果安在哉吾竊悲頤

臨晉縣志

職官

卷三

九

秀所遇之窮也然而無悲也向之所謂肆應者吾知
之矣頤秀亦自知之矣謂頤秀非肆應而以其他為
能肆應者知而不知也向之所謂拘謹者吾知之矣
頤秀亦自知之矣謂頤秀拘謹而以不拘謹為能肆
應者知而不知也知而不知則肆應何貴拘謹又何
害而况拘謹固篤實君子哉

呂東表傳

呂東表者罷令也予欲廉其不美迹以自警下車問長老長老曰非呂公來無遺予矣呂公之活臨人蓋不知計數矣因嘖嘖稱救荒一事予曰長老所與呂公述者有徵乎曰有碑也予曰其諛也曰有記也予曰其文也曰有老老幼幼千萬人之口誦也予曰可矣試詳之長老曰呂公自猗氏調臨晉蓋在乾隆十三年也值旱人裸行草食公愍然哀之趨而懇於上狀聞於朝

臨晉縣志

職官

卷三

十

聖天子

念民依沛大賚公而後喜可知也盡發常平所有而不足乃請以鄰近助之有任載者有負戴者有橐駝者人畜憊瘁氣盡喘汗而皆奔命於我一邑共得粟六千五百石有奇而公曰未足也復請於上出帑錢一糶於閩鄉再糶於靈寶又得粟四千石有奇而公曰未足也勸邑之富者減糶富者曰無有公進之曰汝富不恤棗梓而惟富之謂我弗罪汝民其怨汝詈汝有粟者糶無粟者遠糶而近糶予嘉汝自上其錫汝富者翻然公歡然飢者益霍然蓋糶之數不可

得而稽已於是臨民有起色剝盡而復生今追思之
而知公之惠也公蒞臨南越歲賑事竣以驛馬瘠罷
或有他故非里民所知也獨思歲凶人瘠矣而馬何
以不瘠耶呂公起已瘠之民矣而何以瘠已之馬耶
敢於吾侯請故予曰是非予所知也長老又曰有可
為呂公悲者請終述之侯無戮呂公罷後即次無資
時二老在不能以安車還里聞邑之士大夫有言公
之德在民如周人思召伯焉愛其甘棠况其身與二
老乎時里民忽忽聽之不知召伯甘棠為何說也唯

臨晉縣志

職官

卷三

十一

率邑子弟為公斂錢束載得奉二老回籍今追思之
而想見公之清也公在臨一載軍需旁午車馬供億
之費日不暇給而于民事一切無悞旋以劾罷豈不
傷哉予終聽之曰此古之遺愛也或曰東表之救荒
縣尉宋培仁實左右之

徐斫吳世裕列傳

胡南藩 宋嵩嘯附
明循吏倪冕以下十七人並附

宦斯者往矣僉曰某良某不良高聽哉可懼也亦可奮也予訪薦紳更老求循吏傳之謂予曰遠者紀往志言近徐斫明法理饒幹又吏胥罔奸催科不擾吳世裕果於事敏於獄牘無留也胡南藩宋嵩嘯雖聲施不爛而政無苛撓人和事理予既得四人復考荆侍御徃志有倪冕李讓闔鐸盧淵張平王鑑任恩高仲福王九忠何時昌李豸蕭九峯劉卿王化李呈瑞楊廷愛王國楨十七人雖行寔已湮皆循吏噫明到臨晉縣志

職官

卷三

十三

今四百載傳者僅此沒世名難已然安知無人與事有足名者或沉湮不舉哉故老口絕籍氏典亡傳之而無從古人何有而如或有之雖一才一德不忍聽其無傳者守土之義也

石博傳 張瑄賈若珣附

石博以諸生食廩餼得歲貢授臨晉司訓陽城人也陽城山峭而秀水溜而清士多俊者予令陽城時得八士郭子兆麒李子誥其二也調臨晉後諸生以山川脩阻多不至惟郭生李生時來視余脩稱石君博不置曰陽城百年來無此明經矣予讀臨晉志見博司訓署記雙烈井序文詞古宕用意深遠慨然曰博非獨文事優其行誼亦高也李子曰吾師盍傳之予曰諾直道在人非子私其鄉也因詢博居鄉為諸生

臨晉縣志

職官

卷三

三

時無竒行謹厚風雅而已然以視諸生之澆而鄙小而誕者不皆俗乎又詢博在臨時亦無竒行謹厚風雅而已然以視世之耄而昏貪而墮者不又皆俗乎夫士不可俗也不俗之士當其時亦了不異人及既沒而想其不俗之狀則思之矣沒既久而世之俗者愈趨愈下若此向之不俗者無異無竒而若彼則愈思之矣思則愛愛則傳予於石司訓心藏久矣豈獨因李生哉然而李生之不沒人善足以風矣世之為諸生不諸生為司訓不司訓者庶幾聞而思返乎石

博前有張瑄後有賈若瑚皆不俗士也士類可之

臨晉縣志

職官

卷三

王德滋宋培仁列傳

大賈原饒漁贍富也小賈原鮮漁莞窮也糴糝米易束薪賈者偽飾不物民憐日恫焉然而賈民者匪蠹民吏胥輿隸舞智以牟則蠹民者矣然而蠹民者匪盜民緘滕扃鐫擔囊而趨則盜民者矣乃有匪蠹匪盜而甚焉者痛吾民夢夢甘之也末吏爭抄忽之利日撻其民惛且逞堂堦市肆也詐牒質劑也平反展奠也鞭杖權量也吏嘻曰吾吏而賈也取胡不盈民戒曰彼賈而吏也法誰敢玩奮三尺之威雷驚電爍

臨晉縣志

職官

卷三

十五

蠹者盜者且縮頸粟股矣不甚焉乎哉臨晉尉王德滋者有篤民心訊鞠以是非不朘利齒斷斷天理良心不置去之日臨人涕洟餞之嗚呼良心天理疇不宜鏤腸腎哉亦若有封疆吏以此則僚肅亦若有承宣吏以此則工釐亦若有觀察吏以此則民欽亦若有守令吏以此則戶悅德滋此言可為官守箴矣豈得以末吏渺之

宋培仁貴陽人潔已能事百姓懷感尤著者戊辰饑歉狀於上慷慨纏綿有悲天憫人之意嗚呼難已

程司戎傳

程司戎者其姓名里居爵秩不可得而詳惟舊尹齊以治云臨邑軍民雜處軍之賦繇平陽衛每欲自異於民然衛不得治民縣得治軍也乃者程司戎無復前習每詞訟必約予予亦不為異同由此觀之程司戎其識道理者耶亦飾名以鎮物耶抑亦治虐與之委蛇而有以致其和耶夫文武不協興大獄者有之矣武人素無薰陶無足異也守土者當善遇之而武者亦宜自戢烏噫輕裘緩帶者非良將耶弩張劍拔云乎哉